

海王邨古籍叢刊

龍溪精舍叢書

中國書局

海王邨古籍丛刊

龍溪精舍叢書

(二)

郑尧臣辑

中國書局

楚漢春秋

森史署檢

潮陽鄭氏用梅瑞軒本重刊

漢書藝文志楚漢春秋九篇漢大中大夫楚人陸賈所著也太史公嘗述之以作史記附志唐志並存九卷今其書散佚不可復得葉刻叢書中亦未見輯本件林因其書與左傳國語世本戰國策均為龍門作史屬稿所據惟世本及陸書無傳故既輯世本成帙於此書復留意焉而又以不學深愧撮拾之無多也伏願博雅君子更增所未遽云道光二年夏五月高郵茆泮林識

楚漢春秋

一 龍齋精舍校刊

楚漢春秋

漢陸賈撰

項燕

項燕爲王翦所殺史項羽本紀案歷

項梁

項梁陰養士最高者多力拔樹以擊地和覽三百八十六

又

項梁陰養士九十人參木者所與計謀者也木佯

疾於室中鑄大錢以具甲兵御覽八百三十五

會稽守

會稽假守殷通史項羽本紀案解姓殷前漢書項籍傳注

楚漢春秋

一 龍船精舍校刊

東陽吏

東陽獄吏陳嬰史案本紀正義通鑑綱目秦二世皇帝案

韓信

韓信嘗數從其下鄉新昌亭長寄食史淮陰侯傳案

夏侯嬰

滕公爲御史夏侯嬰傳案歷

英布

人謂我當刑而王豈是乎史顯布傳案歷

吳廣說陳涉

吳廣說陳涉曰王引兵西擊則野無交兵文選曹子建贈丁侯

王粲詩注

上過陳留案史鄭生正傳不同此述於宋建傳尾

上過陳留鄭生求見使者入通公方洗足問何如人

曰狀類大儒上曰吾方以天下爲事未暇見大儒也

使者出告鄭生瞋目按劍入言高陽酒徒非大儒也

御覽三百四十二

高祖向咸陽

高祖向咸陽南趨宛宛堅守不下乃匿其旌旗入術

枚馬東口龍舉而翼奮難未鳴圍宛城三市宛城降

史高祖本紀案歷御覽三百五十七

楚漢春秋

二 龍船精舍校刊

或言誅秦王

樊噲請殺之史高祖本紀案歷

沛公西入武關

沛公西入武關居於霸上遣將軍閉函谷關無內項

王項王大將亞父至關不得入怒曰沛公欲反耶即

令家發薪一東欲燒關關門乃開藝文類聚六

敵生

敵姓史項羽本紀案解本姓解史留侯世家案歷解

先生曰遣函谷無內項王史高祖本紀案歷

韓王信

韓王信都 史朝子信都

案史記云楚漢春秋云韓王信都悉謀也諸書
不言有韓信都按韓初為韓王信都言申徒因
誤以為韓王名耳而何義門讀書記云楚漢春秋
韓王本名信都見史通按信都之信與申同然則
韓王本名信都與淮陰侯名異也

項王在鴻門

項王在鴻門亞父曰吾使人望沛公其氣衝天五采
色相繆或似龍或似雲非人臣之氣可誅之高祖會
項羽范增目羽羽不應樊噲杖盾撞入食豕羽壯之
水經渭水注 韓王十五引亞父案曰吾望沛公
其氣衝天五色相繆或似龍或似蛇或似虎或似
雲或似人此非人臣之氣也又八十七引首
有項王在鴻門五字也下有不若殺之四字

楚漢春秋

三 龍翰精舍校刊

亞父碎王斗

沛公脫身鴻門從間道至軍張良韓信乃謂項王軍
門曰沛公使臣奉白璧一雙獻大王足下玉斗一隻
獻大將軍足下亞父受玉斗置地戰撞破之御覽三
百五十

烹說者

說者是蔡生 史項羽本紀正義

董公廼說

董公八十二歲其名未詳秦世隱士遁道而說遂封
為成侯 通鑑綱目西楚霸王漢王二年集覽

上敗彭城

上敗彭城薛人丁固追_上被髮而顧曰丁公何相逼
之甚乃迴馬而去上即位欲陳功上曰使項氏失天
下是子也為人臣用兩心非忠也使下吏笞殺之御
覽
六百四十九 三百七十三 前漢書季
布傳注引晉灼曰楚漢春秋云薛人名固

項王為高闕

項王為高闕置太公於上告漢王曰今不急下吾烹
太公漢王曰吾與項王約為兄弟弟翁即汝翁若烹
汝翁幸分我一杯羹 御覽一百八十四

項王使武涉說淮陰侯

楚漢春秋

四 龍翰精舍校刊

項王使武涉說淮陰侯淮陰侯曰臣故事項王位不
過中郎官不過執戟及去項歸漢漢王賜臣玉案之
食巨闕之劍臣背判之內愧於心藝文類聚六十九
選四愁詩注引淮陰侯曰臣去項歸漢漢王賜臣
玉案之食又開居賦注引韓信曰臣內愧於心
間道草山而望趙軍
卑山 史淮陰侯傳案

孔將軍

孔將軍居左 前漢書功臣表注

上欲封侯公

上欲封侯公不肯復見曰此天下之辨士所居傾

國故號平國君 文選漢高祖功臣領註

上東園項羽

上東園項羽聞樊噲反旋頭公孫戎明之卒不反封戎二千戶 前漢書王莽傳注

美人和項羽歌

歌曰漢兵已畧地四面楚歌聲太王意氣盡賤妾何聊生 史項羽本紀正義

王應麟困學紀聞云太史公述楚漢春秋其不載於書者正義云項羽歌美人和之楚漢春秋云漢兵已畧地四面楚歌聲太王意氣盡賤妾何聊生是時已爲五言矣

漢已定天下

楚漢春秋

五 龍翰精舍校刊

漢已定天下論羣臣破敵禽將活死不哀絳灌樊噲

是也功成名立臣爲爪牙世世相屬百世無邪絳侯

周勃是也 文選移書讓太常博士注前漢書陳平傳注引楚漢春秋高祖之臣別有絳灌

高祖初封侯

高祖初封侯者皆賜丹書鐵券曰使黃河如帶泰山

如礪漢有宗廟兩無絕世 御覽五百九十八困學

案史記功臣年表云使河如帶泰山若屬國以承國及苗裔云下二句不同也

許負

高祖封許負爲鳴雌亭侯 史記侯爵世家索隱

周繇

封周繇爲潁城侯 前漢書周勃傳注

王隆

清陽侯王隆 史功臣表索隱

傅寬

陰陵侯傅寬 全上

陳贛

博陽侯陳贛 全上

蠡達

夜侯蠡達 全上

張耳

楚漢春秋

六 龍翰精舍校刊

南宮侯張耳 全上

史高祖功臣年表侯第索隱曰姚氏云蕭何第一曹參二張敖三周勃四樊噲五酈商六奚卬七

夏侯嬰八灌嬰九傅寬十靳歙十一王陵十二陳

彭越十三王翳十四薛彭十五周昌十六丁復十七

賈記事在高祖與漢表同而楚漢春秋則不同陸

陳平受呂后命而定或已改呂氏號故人名亦別且

高祖初定淮十八侯呂后令陳平終竟以下列侯

王繇

王繇數言事而當上使參乘解王劔以佩之天下定

以爲守有告之者上曰天下方急汝何在曰亡上曰

王繇沐浴霜露與我從軍而汝亡告之何也下廷尉

荆 御覽六百四十八

北郭先生

北郭先生獻帶於淮陰侯曰牛爲人任用力盡猶不置其革 御覽六百九十六

淮陰舍人告信反

謝公也 史淮陰傳索隱

淮陰武王反

淮陰武王反上自擊之張耳居守上體不安卧輒車中行三四里留侯走東追上轡墮被髮及輶車排戶曰陛下卽棄天下欲以王葬乎以布衣葬乎上罵曰

楚漢春秋

七 龍翰精舍校刊

若翁天子也何故以王及布衣葬乎良曰淮南反於東淮陰害於西恐陛下倚講整而終也 御覽三百九十四

黥布反

黥布反羽書至上大怒 文選咏將軍北伐詩注

又

下蔡亭長冒淮南王曰封汝爵爲千乘東南盡日所出尙未足黥徒羣盜所耶而反何也 文選五等諸侯論注 困學紀

周原注謂英布史漢不載

告蕭何

斬告蕭何者 書鈔克明部

案史及漢書無此事蕭何在高祖時嘗以爲功當第一亦衆無疑何心書鈔所引無從闕次今因上有淮陰舍人告信反事姑附載於此

叔孫通

名何 史叔孫通傳集解叔孫何云臣三諫不從請以身當之撫劍將自殺上離席曰吾聽子計不易太子

索隱

四皓

四人冠偉冠佩銀環衣服甚鮮 後漢書馮衍傳注

惠帝崩

惠帝崩呂太后欲爲高墳使從未央宮而見之諸將

楚漢春秋

八 龍翰精舍校刊

諫不許東陽侯垂泣曰陛下見惠帝家悲哀流涕無已是傷生也臣竊哀之太后乃止東陽侯張相如也 御覽四百五十七 困學紀聞攷史

劉澤

田子春說張卿云劉澤宗家也 史荆燕世家索隱

吳太子

吳太子名賢字德明 史吳王濞傳索隱

趙中大夫

趙中大夫曰臣聞越王句踐素甲三千 文選關中詩注

楚漢春秋疑義

鴻鵠歌

案史通云劉氏初興書惟陸賈而已子長述楚漢之事專據此書皆大行不由徑出不由戶朱之謂也然觀遷之所載往往與舊不同如酈生之謂沛公高祖之名信鴻鵠非惟文句有別遂乃事理皆殊又韓王信鴻鵠而韓王信鴻鵠之謂也全與淮陰不別茲輯酈生及韓信都邑引見前惟鴻鵠歌未載鴻鵠歌史述於留侯世家歌曰鴻鵠高飛一舉千里羽翮已就橫絕四海當可奈何雖有雄雞安所施而史通云非此文句有別遂乃事理皆殊則遷所載與舊不同今無可攷惟史載項羽卒聞漢軍楚歌索隱家高祖令戚夫人楚舞自為楚歌與留侯世家所述上曰為我楚舞語為楚歌畧同但一在敗楚垓下一在欲易就此則真事理大殊而文知據何書例史公移彼句之不同更無從辨矣

楚漢春秋

龍谿精舍校刊

楚漢春秋敘錄

漢書藝文志

楚漢春秋九篇陸賈所記

前漢書司馬遷傳

漢興代秦定有天下楚漢春秋故司馬遷據左氏國語宋世本戰國策述楚漢春秋接其後事訖於天漢

後漢書班彪傳

漢興定天下大大夫陸賈記錄時功作楚漢春秋九篇孝武之世太史令宋左氏國語刪世本戰國策

據楚漢列國時事作本紀世家列傳書表

楚漢春秋

楚漢春秋

龍谿精舍校刊

又曰百家之書猶可法也若左氏國語世本戰國策

楚漢春秋太史公書今之所以知古後之所由觀前

聖人之耳目也

隋書經籍志

楚漢春秋九卷陸賈撰

唐書藝文志

陸賈楚漢春秋九卷

史記集解序

裴駰曰班固有言曰司馬遷據左氏國語宋世本戰國策述楚漢春秋接其後事

國策述楚漢春秋接其後事

史記索隱序

司馬貞曰司馬遷屬稿先據左氏國語系本戰國策

楚漢春秋

史記索隱

司馬貞曰楚漢春秋漢大中大夫楚人陸賈所撰記

項氏與漢高祖初起及說惠文間事

史記正義序

張守節曰司馬遷包左氏國語宋世本戰國策據楚

漢春秋

史通

楚漢春秋

龍谿精舍校刊

劉知幾曰晏子虞卿呂氏陸賈其書篇第本無年月

而亦謂春秋

又曰馬遷史記採世本國語戰國策楚漢春秋故能

取信一時擅名千載

又曰陸賈書楚漢春秋權記當時不終一代

玉海

王應麟曰隋志雜史楚漢春秋九卷陸賈撰述誅誦

秦項之事司馬遷述楚漢春秋接其後事

容齋隨筆

洪邁曰陸賈書當時

不合師古屢辨之楚

漢春秋今不復見

楚漢春秋

龍谿精舍校刊

丙辰十月

前漢紀

崔永安署端



潮陽鄭氏用襄平蔣氏本校刊

欽定四庫全書提要

漢紀三十卷漢荀悅撰悅字仲豫潁陰人獻帝時官秘書監侍中後漢書附見其祖荀淑傳稱獻帝好典籍以班固漢書文繁難省乃令悅依左氏傳體爲漢紀三十篇詞約事詳論辨多美張璠漢紀亦稱其因事以明臧否致有典要大行於世唐劉知幾史通六家篇以悅書爲左傳家之首其二篇篇又稱其歷代實之有逾本傳班荀二體角力爭先其推之甚至故唐人試士以悅紀與史漢爲一科文獻通考載宋李燾跋曰悅爲此紀固不出班

前漢紀

提要

龍翰閣合校刊

書亦時有所刪潤而諫大夫王仁侍中王闕諫疏班書皆無之又稱司馬光編資治通鑑書太上皇事及五鳳郊奉時之月要皆舍班而從荀蓋以悅修紀時固書猶未舛譌又稱其君蘭君簡端瑞與署寬竟諸字與漢書互異者先儒皆兩存之王經作兩漢紀後序亦稱荀袁二紀於朝廷紀綱禮樂刑政治亂成敗忠邪是非之際指陳論著每致意焉反復辨達明白條暢啟告當代而垂訓無窮是宋人亦甚重其書也其中若壺關三老茂漢書無姓悅書云姓令狐朱雲請向方劍漢書作斬馬悅

書乃作斷馬證以唐張翥詩願得上方斷馬劍斬取朱門公子頭句知漢書字誤實考證者亦不一近時顧炎武日知錄乃惟取其宣帝賜陳遂聖書一條及元康三年封海晏侯詔一條能改正漢書三四字其餘則病其叙事索然無意味間或首尾不備其小有不同皆以班書爲長未免抑揚過當又曰紀王莽事自始建國元年以後則云其二年其三年以至其十五年以別於正統而盡沒其天鳳地皇之號云云其語不置可否然不曰盡削而曰盡沒似反病其疏略者不知班書莽自爲傳自前漢紀

前漢紀

提要

二

龍點稽古校刊

可載其偽號苟書以漢系編年豈可以莽紀元哉是亦非確論不足爲悅病也是書考李燾所跋自天聖中已無善本明黃姬水所刊亦間有舛謬康熙中襄平蔣國祥將國祚與袁宏後漢紀合刻後附兩漢紀字句異同考一卷今用以參校較舊本稍完善焉

前漢紀目錄 并序

漢祕書監侍中荀悅撰

袁平

蔣國祥
同校
蔣國祥

高祖一第一

高祖二第二

高祖三第三

高祖四第四

孝惠第五

高后第六

孝文上第七

孝文下第八

孝景第九

孝武一第十

孝武二第十一

孝武三第十二

前漢紀

目錄序

龍點稽古校刊

孝武四第十三

孝武五第十四

孝武六第十五

孝昭第十六

孝宣一第十七

孝宣二第十八

孝宣三第十九

孝宣四第二十

孝元上第二十一

孝元中第二十二

孝元下第二十三

孝成一第二十四

孝成二第二十五

孝成三第二十六

孝成四第二十七

孝哀上第二十八

孝哀下第二十九

孝平第三十

凡漢紀十二世十一帝通王莽二百四十二年一祖三

宗高祖定天下孝惠高后值國家無事百姓安集太宗昇平世宗建功中宗治平昭景稱治元成哀平歷世時遲并何纂國也凡祥瑞黃龍見鳳皇集麒麟神馬出神鳥翔神雀集白虎仁獸獲寶鼎昇寶磐神光見山稱萬歲甘露降芝草生嘉禾茂玄稷降醴泉涌木連理凡災異大者日蝕五十六地震十六天開地裂五星集于東井各一太白再經天星孛二十四山崩三十四隕石十一星隕如雨二星晝見三火災二十四河漢水大汎溢爲人害十河汎一冬雷五夏雪三冬無冰二天兩血雨草雨魚成人復生男子化爲女子嫁爲人婦生子枯

前漢紀

目錄序

二 龍翰精舍校刊

本更生大石自立建安元年前上巡省幸許昌以鎮萬國外命允輔征討不庭內齊七政允亮聖業綜練典籍兼覽傳記其三年詔給事中祕書監荀悅鈔撰漢書略舉其要假以不直尙書給紙筆虎賁給書吏悅於是約集舊書撮序表志總爲帝紀通比其事例繫年月其祖宗功勲先帝事業國家綱紀天地災異功臣名賢奇策善言殊德異行法式之典凡在漢書者本末體殊大略粗舉其經傳所遺闕者差少而求志勢有所不能盡錄重之語凡所行之事出入省要刪略其文凡爲三十卷數十餘萬言作爲帝紀省約易習無妨本書有便於用其

旨云爾會悅遷爲侍中其五年書成乃奏記云四百有一十六載謂書奏之歲歲在庚辰昔晉之乘楚之構杞魯之春秋虞夏商周之書其揆一也皆古之令典立之則成其法棄之則墜於地瞻之則存恕焉則廢故君子重之漢書紀其義同矣凡漢紀有法式焉有監戒焉有廢亂焉有持平焉有兵略焉有政化焉有休祥焉有災異焉有華夏之事焉有四夷之事焉有常道焉有權變焉有策謀焉有詭說焉有術藝焉有文章焉斯皆明主賢臣命世立業羣后之盛勲聖俊之遺事是故質之事實而不誣通之萬方而不泥可以興可以治可以動可

前漢紀

目錄序

三

龍翰精舍校刊

兩漢紀字句異同考

荀悅前漢紀三十卷袁宏後漢紀三十卷祥符中鑄版於錢唐版廢幾百年再刻于紹興年間汝陰王鉉序云編修王公敦閱古訓博極羣書其出使浙東既刻劉氏外紀以足資治通鑑又刻舊唐書至此兩漢紀其艱其勤尤爲盡力蓋兩紀再刻于宋而鉉則與正文字者也應元而明何舍人大復得荀氏紀抄本于侍讀徐子容家涇陽呂仲本氏復爲校正付高陵令翟清刊布其序云校讎無副而袁氏紀尤所希觀是時止有荀氏本也嘉靖間吳郡黃姬水重刻兩

兩漢紀

異同考

龍谿精舍校刊

紀云原本宋刻得自雲間朱氏意卽銓所校讎本也顧字句尙多舛訛最後有萬曆二十六年南京國子監鑄版參善黃氏刻本而行世絕少因取諸本互校重授開雕訛者正之疑者缺之并臚列其字句異同若干條于卷末以冀合於王氏不敢率以意改之意兩紀自祥符凡經五刻閱五百餘年而又鑄版于錢唐是書之顯晦苦適有數焉襄平蔣國祚識

前漢紀高祖第一

武臣自號爲武信君進軍圍范陽一本自號爲武信軍案漢書是武信君

梁爲大將軍號武信君一本號武信軍漢書是武信君臣聞戰勝將驕卒情者敗今卒少情矣一本今軍少情矣

不因趙食與并擊秦一本不因趙與食并擊秦

立郡爲雍王置軍中句長欣爲上將一本長史欣爲上將案漢書當是長史欣

高祖第二

別將梅鋗功多封十萬戶侯一本封舊戶侯

下粟地十七城一本下粟地七十城

高祖第三

兩漢紀

異同考

龍谿精舍校刊

漢卽挑戰慎勿與戰勿令得東而已與史記漢書同一本慎勿與戰令得東而已脫一勿字

蕭何雖有汗馬之勞徒持文物論議而已一本徒持文墨論議而已

皇帝子乃人主也一本皇帝雖子乃人主也

吾乃今日知爲皇帝之貴拜還爲奉常一本拜還爲奉常案奉常秦爵至景帝六年改奉常爲奉常高祖時宜仍稱奉常

高祖第四

及古今成敗之故一本及古今成敗之圖

詔為秦始皇置守冢三十家楚隱王一家一本楚隱王十家

孝惠第五

涓和娛保林良使者皆視百石一本涓和娛重保林良使夜者皆視百石案漢書外戚傳元帝加昭儀之號凡十四等云云有無涓共和娛重保林良使夜者皆視百石師古曰涓重也無涓言無所不親也共謂曰涓重而和柔也娛重可以柔重也保重也保林言其可安衆如林也且使便令之謂也夜者主嚴其事諸本增減不一疑有脫字又不敢遽照漢書增入姑從舊本

舉掌勅章秩皆千石一本舉勅案章

兩漢紀

異同考

三

龍經精舍校刊

高后第六

行五銖錢錢之制夏殷以前無文焉一本行五銖錢之制云云脫一錢字

孝文上第七

其肉刑耐罪以上不用此令一本其肉刑耐罪以上不用此令案如淳曰耐猶任也言任罪不至髡之事應劭曰輕罪不至于髡完其形贅漢表宜曲侯形為鬼新形即耐杜林以為法度事宜從寸改為耐當以耐罪為是勃以公主為證公主孝文女太子勝向之案史記勃太子勝之向之句較明

然明堂大學猶未足與一本猶未遂與

孝文下第八

守望相接一本作亡望相接

以十四萬騎入蕭關殺北地都尉一本殺北地都尉口叩案師古注功臣表餅侯孫單父叩以北地都尉匈奴入力戰外事子侯文帝十四年封與此止合叩當為孫叩闕一字即孫子

開封侯陶清翟為御史大夫案功臣表開封侯陶會封一年案青銅漢書景帝紀遺御史大夫青翟至代下與匈奴和親臣瓚云此即陶青師古注云後人傳習不

兩漢紀

異同考

四

龍經精舍校刊

曉妄增翟字耳據此陶清翟當是陶青至文類注云楚嚴諱青翟此是武帝時莊青翟而以爲陶青翟尤誤矣青清字亦異姑附考于後

揚雄有言文帝親屈帝尊一本作親屈至尊

孝景第九

雖墜猶失也言於吳非其正計也案漢書雖墜言於吳非其正計也而墜言於吳句墜字下有蘇林注曰猶失也三字知此猶失也三字是注刻苟紀者誤入漢書蓋注爲紀中正文耳茲不敢遽削故附考于後臨江王闕璽諡口案諸侯王表臨江哀王闕

時爲父貢尙方工官甲稍漢書作甲權

季武一第十

越人欲爲變必先由餘干界內一本必先由於干界內
說案地理志餘汗餘水在北至鄒陽入湖漢莽曰治干
應劭曰汗音干

季武二第十一

臣謹案春秋求王道之端傳之於正漢書作得之於正
示太治而欲王其本也漢書示太始而欲正其本也
使貧富不相踰以和其心一本使貧富不相懼以和其
心

兩漢紀

吳同考

五

龍翰精舍校刊

問引稱周公之治弘能自視孰與周公賢一本問弘稱
周公之治強朕自視孰與周公賢

季武三第十二

其刑劇量氏曰諸本作刑誼宜從劇重刑也釋義云不
殺於市

壽留月氏歲餘乃還一本壽留歲餘乃還

有五翁侯一曰未密翁侯二曰雙靡翁侯三曰貫翁侯

四曰盼顧侯五曰高附翁侯案漢書三曰貫霜翁侯

自張騫使大夏之後窮河源隱惡視所謂崑崙者乎一
本窮河源隱惡視所謂崑崙者乎俱疑有說案紀云禹

本紀云云其文全本漢書不應窮河源下有一隱字且
又義不順今姑從原本

季武四第十三

討遼懷一本討遼遼當從漢書爲遼懷
去病初以待中云云增封一千二百戶一本二千二百

戶

昔秦始皇出鼎于彭城一本昔秦始皇親出鼎于彭城
嬰朕之詔漢書注嬰古莽字通

保國有民一本作保國父民

季武五第十四

兩漢紀

吳同考

六

龍翰精舍校刊

春正月行幸緱氏登轂高閣聲稱萬歲者三案高即
嵩高漢書翌日登嵩高以山下戶三百爲之奉邑名曰

崇高

初梁相有褚大通通五經博士案漢書倪寬傳云初梁
相褚大通五經爲博士時寬爲弟子及御史大夫闕微

褚大云云無褚大通名也應是重一通字案此褚大是

武帝時人元成間又有一褚大

乙酉柏梁臺災一本作己酉

秋八月行幸安定一本作秋七月

廷尉通有疑奏以再見御史掾吏莫知所爲或云以再

見下應有御字案漢書以再見御矣據吏莫知所爲句甚明

立宛貴人昧察爲王漢書作昧察

孝武六第十五

上知太子之無罪也乃封李壽爲抱侯張富昌爲編提侯案漢書封李壽爲邗侯張富昌爲顯侯由是得號爲權夫人漢書作寧夫人

孝昭第十六

上耕于鉤盾弄田一本弄田作算田案漢書應劭注曰時年九歲未能親耕帝籍鉤盾宦者近署故往試耕爲兩漢紀

異同考

七

龍翁精舍校刊

戲也臣瓚曰西京故事弄田在未央宮中師古曰弄田謂爵燕之田天子所戲弄耳非爲孝昭年幼創有此名據三注知作算田者訛矣

孝宣一第十七

兩小吏扶爽乃能行一本扶下乃能行

更治者利其然一本吏治者利其殺訛

孝宣二第十八

是時掖宮婢名則令民夫上書自陳書有阿保之功則宮婢名也令民夫上書者師古曰未爲宮婢時有舊夫見在俗間者

茂才異論之士一本茂才異倫之士

孝宣三第十九

負三十日食爲米二斛四斗一本爲米二斗四升督郵白欲逐之一本自欲逐之

孝宣四第二十

具得延壽事都肆試騎士治飾兵車一本具得延壽事都肆試騎士治飾兵車案漢書具得延壽在東鄆時試騎士句較明今從闕文

昔周公躬吐握之勞故有園空之隆一本作周室之隆孝元上第二十一

兩漢紀

異同考

八

龍翁精舍校刊

弘恭病歿一本脫病歿二字

孝元中第二十二

既已用賢人行善政一本令行善政

禹稷皋陶更相汲引不爲比周一本不爲比黨

君不祭于臣僕之家一本君不祭于臣庶之家

孝元下第二十三

復蒙太陽優色黃與漢書同一本優危黃非

道人當逐歿一本作當逐歿

趙高用事有正先者一本有正生者漢書是正先雜卦之黨并力而爭一本離卦之黨說

若乃器人于絲竹鼓鼙之間則是陳惠李微高于匡衡可爲相國也一本陳惠李欽

孝成第一第二十四

上以爲然鳳于是乃懼一本言者以爲然訛

今諒闇已畢大義皆舉一本今諒闇日大義皆舉

孝成第二第二十六

巴君曰將軍誅無狀請出曉士衆一本脫將軍二字

此又彭顯前災著其在內也一本著其內口也闕一字沈湎於酒微子所以去漢書微子所以告去

孝成第三第二十六

兩漢紀

異同考

九

龍齋精舍校刊

丘壘皆小一本丘壘皆少小

迦集烏賴一本迦其烏賴

孝成第四第二十七

都門內崩大人見臨洮一本內崩下闕二字

孝哀上第二十八

尉丁明封爲安陽侯漢書外戚恩澤侯表當是陽安侯訛爲安陽侯安陽侯乃王音子舜也諸本又脫一侯字今改正

天下戰國十有餘而周室寥也一本周室寥矣今从闕文

孝哀下第二十九

封帝太后從弟傅商爲武昌侯一本封帝太后從弟傅商爲武昌侯漢書封帝太后從弟傅商爲武昌侯從漢書

明離闕內以還外也案漢書明離闕內與還外闕當是闕字以當是與字還當是驪字師古曰闕門板也其義甚明姑依舊本

天雨血山陰湖波崩一本山陽湖波崩

孝平第三十

渭北衣冠出遊之處立廟下闕四字接太后導而臨朝

兩漢紀

異同考

十

龍齋精舍校刊

案此段據本志云云文勢當是因爲原廟于渭北非正也是時平帝幼成帝母太后導而臨朝任莽非正之象也今諸本俱闕四字上下文不可接即渭北衣冠出遊之處立廟句亦疑有訛字當從闕文

羣燕街士投冢上一本下疑有闕字

四牆其社覆上淺下漢書覆上棧下師古曰棧謂以棧蔽之也下則棧之上則覆之所以隔塞不通陰陽之氣故漢膠東王時改爲扶公漢書時改爲扶崇公

後漢紀光武第一
說其意請爲前行一本說其意請爲前行